

# Сунъгъачнр өгчäh даалгъвр

Хальмг АССР-н Деед Советин депутатин кандидат үр Есен Эренценович Кокшунов Приозери района центр — Сухота селänd района сунъгъачнрла харгъв.

Хургиг района күүцäгч комитетин ахлaч үр Н. П. Немышев секв.

Түрүн болдж босдж үг келсн итклтä күн — Сухотан дундин школин директор Понамарева С. Н., цугълрсн олн сунъгъачнрт, үр Е. Э. Кокшуновин джиргълин хаалгъинь цäälгъдж өгäд, олн мана даалгъсн даалгъвриг күүцäхд, чидлән äрвлшго күн гидж иткүлв. Октябрин 19-д болх сунъгъврин öдр цугтан ирдж, нег күн мет, үр Е. Э. Кокшуновин тölä дуугъан өгцхäй, — гидж дуудв.

Дарунь района детсадин заведующ үр Цеденова, района күүцäгч комитетин кöдлäч Куканова, коммунальн эдл-ахун кöдлмшч Гаряев келв.

Района өсдж-өргдждж йовх цуг совхозмудин эдл-аху болн малмудиг усар тетклгънд, культурин учрежденьсин, äмтн бäädг гермүдин, школмудин, спортин кöдлмшт бääх дутудундиг уга кедж, цуг района эдл-ахуг шулун болдгар өсдж өргджүллгнъд болн äмтнä бäädл-джиргълиг улм цааранднь ясруллгънд дөнъгән күргтхä, — гидж депутатин кандидат үр Е. Э. Кокшуновд олн сунъгъачнр даалгъцхав.

Хальмг АССР-н Деед Советин депутатин кандидат үр Е. Э. Кокшунов келсн үгдән, сунъгъачнрин бийдән даалгъсн күүндтä төриг күүцäхд эв-аргъан өгч кöдлнäv, нанд өгчäh тана иим ик итклдтн икär ханджанав, — гидж келв.

**ЭЛДÄН Эрдни**